

1 TIMOTI

Kipihac taxlee wê Pol kivuu vô Timoti ge

¹ A, Pol, Yesu Kîlisi nu sinale a. Anutu wê kitya il nêd nipaên vêl ge hixôn Yesu Kîlisi wê il dô bin buc wê il ob xê i ge, yuu xôn vînoo a ên nêb a kô yuac sinale.

² Timoti, ông ge a nug vông vinên nôn. A kivuu kipihac ga loc vô ông. Mag Anutu hixôn Apumtau Yesu Kîlisi, yuu i vông vizid nivîha i loc vô ông, di xo vigwe pisiv ên ông, di vông kiyang malehe i hivun ông xôn.

Xomxo wê nêl kiyang kityooên

³ Ilage wê a nêb a ob la vigwe Masedonia ge, a nêl vô ông ên a nêbê ông dô Epesas. Om a ob nêl vô ông i tii vac bêga bê ông dô Epesas, ên tibii ya dô vac xam mahîgun di tixuu xomxo ya xolac ba kityooên. Om ông dô ên le vac kiyang kityooên wê he vông ge xôn.

⁴ Ông nêl vô he bêga bê he i sea kiyang kityooên wê he mi nêl ge, ên he mi nêl pivulac pileva di le nêl bue tivae wê dô ilage lê hixôn, om kiyang kityooên tige vông he piyôp vô himena himena, di o vông xovôên vô he lec Anutu kiyang lêm, ên môp vông vinên tibed ge wê ob vông xovôên vô il lec Anutu kiyang.

⁵ Om a ob nêl vô ông bêga bê ông le vac he xôn di nêl vô he bê he i sea kiyang kityooên. Om he obêc ngô ông kiyang di timu vô ge od he nilô ob

vô paha lec di nipaên ti ob yêp vac he nilô lêm, di he ob vông i vin Yesu. Om he obêc timu vô môm tibêge od he ob vông môm xêyaa vin lecên vô nôn lec.

⁶ Xomxo ya sea môm tige di la nêl kiyang vaxvax wê ob vô nôn nivîha vô he lêm ge.

⁷ He nêb he ob tixuu xomxo ya xolac wê Moses vông ge. Lêc he lungên xolac tige di lungên kehe hixôn.

⁸ Il xovô ên il nêbê il obêc timu vô Moses xolac i tîyi wê Anutu nêl ge od xolac ob vô nivîha vô il.

⁹ Di il xovô ên il nêbê Anutu o vông xolac ên nêb i titô xomxo wê nivîha ge lêm. Nge, vông xolac ên nêb i titô xomxo wê nipaên ge, he wê pwoo Anutu kiyang vac ge, di he wê o ngô xomxo levac kiyang lêm ge, di he wê vô nîmi vô Anutu ge, di he wê vông môm nipaên ge, di he wê timu vô môm kibun ga di o timu vô Anutu lêm ge, di he wê yê Anutu hixôn susu ngîbua xocbê susu vidaaên ge, di he wê hi tae mae yib ge, di he wê hi tibii yib ge,

¹⁰ di he wê vông môm yôdac vêx yuu vux ge, di he vux wê vông môm yôdac vô vux ge, di he wê hôm xomxo xôn di kô mî la nêb tibii i kisuu he ge, di he wê nêl kiyang kityooên ge, di he wê hilung vigê la kisii ên nêb he nêl kiyang nôn lêc he kityoo ge. Anutu vông xolac ên nêb i titô xomxo nipaên tibêgee hixôn he vîhati wê vông môm nipaên di pwoo Anutu kiyang nôn vac ge.

¹¹ Kiyang nôn tige yêp vac xolac paha nilô wê Anutu vông vô a ên nêb a la nêl vô xomxo ge. Xolac tige nêl Anutu wê xêseac kehe ge kitong.

Pol pimil Anutu ên wê xo vigwe pisiv ên i ge

12 Il Apumtau Yesu Kilisi vông xêkizêc wê i vông ge vô a, di yaxên a pyap ên nêb a tiyi wê a ob vông i yuac ge. Om a hi vixag pec ên i.

13 Ilage a so vyag vô Yesu lê, di vông viyin levac vô xomxo wê vông i vin Yesu ge, di a kô a lec di vông he vô nipaên. A mi vông môp tibêgee lê, léc a gên o vông i vin Kilisi lêm om a o xovô nipaên wê a vông ge lêm. Mêgem il lig Apumtau xo vigwe pisiv ên a,

14 di vông xêyaa vin lecên wê i vông ge lam hivun a xôn, om a vông i vin Yesu Kilisi di a xêgyaa vin lec i.

15 Kiyang yêp bêga ên nêbê Yesu Kilisi lam kibun ga ên nêb ob vô xomxo nipaên vêl ên he nêb nipaên. Kiyang tige kiyang nôb vixôhilôg tiyi wê xomxo ob ngô di vông i vin ge. A ga xomxo nipaên nôb luu xomxo nipaên vihati vêl.

16 Léc Yesu xo vigwe pisiv ên a ên nêb xomxo nipaên vihati he i yê di xovô bê a ga xomxo nipaên nôb, léc Yesu o kitya a vêl lutibed lêm. Nge, xo vigwe pisiv ên a. Om he ob yê di vông i vin Yesu di dô maviha luta léc luta.

17 Anutu tu king mi dô luta léc luta di obêc yib lêm. Xomxo ti manôn o yê i lêm, di ici va Anutu nôb tibed. Lê levac yuu xêseac wê i vông ge i yêp vô i luta léc luta. Nôn.

Timoti i vông vevac ya xolac

18 Timoti, a nug ông, ilage Anutu vông xovôên vô xe xomxo vông vinên lec yuac wê Anutu ob vông vô ông ge, mêgem xe nêl kitong vô ông. Om gwêbaga a ob nêl vô ông bêga bê ông xovô kiyang wê xe nêl vô ông ilage i tii vac nang ên

i ngidu ông xôn dĩ ông hòm xolac xôn pilihi dĩ vông vevac xêkizêc ya.

¹⁹ Om ông le xêkizêc vac vông vinên wê ông vông ge dĩ timu vô môm nivihã i tiyi xocbê ông xovô ge. Ên xomxo ya xovô môm nivihã lêc o timu vô lêm. Nge, he vô nîmi vô, om vông vinên wê he vông ge vô nipaên tiyi xocbê sip wê val hîbu sea lec ngîdax manôn wê le vac gwec ge.

²⁰ Haimenias yuu Aleksanda vông môm tibêge om a vông yuu la vac Seten vigê ên a nêb yuu i pilepac yuu dĩ sea môm wê yuu mi nêl Anutu lê vô nipaên ge.

2

Môm kitaaên

¹ Om yuac wê a nêl vô xam ên a nêb xam vông ge, kiyang taxlee lec yuac tige bêga bê xam kitaa vô Anutu lec xomxo vihati ên i ngidu he xôn, dĩ xam pimil Anutu ên he.

² Dĩ xam kitaa vô Anutu lec king hixôn gavman levac vihati ên he i viac il nivihã dĩ il dô vac kiyang malehe kwa ngibi dĩ timu vô môm wê Anutu hixôn xomxo ob yê nivihã ge.

³ Kitaaên tibêge nivihã dĩ Anutu wê vô il vêl ên il nêd nipaên ge ob yê nivihã,

⁴ ên Anutu nêb xomxo vihati i xovô kiyang nôn wê i vông ge kehe dĩ pilepac nîlô i loc vô i ên i kitya he nên nipaên vêl.

⁵ Anutu nôn tibed, dĩ xomxo tibed wê vông kisoac mi le vac il Anutu mahîgun. Xomxo tige Yesu Kîlisi.

⁶ Vô buc wê Anutu nêl ilage, Yesu vông ici va lam yib ên nêb ob vô il vêl ên il nêd nipaên. Om môp wê Yesu vông ge nêl kitong vô il bêga ên nêbê Anutu nêb ob kitya xomxo vihati nê nipaên vêl.

⁷ Om Anutu vînoo a ên nêb a la vông yuac sinale di la nêl kiyang tige vô xomxo. A o kityoo lêm. Nge, a nêl vixôhilôg nô. Anutu vînoo a ên nêb a la tixuu he wê o Yuda lêm ge ya kiyang nô nêl he i vông i vin.

⁸ Om a ob nêl vô xam bêga bê he vux vac vigwe vihati ge he i kitaa vô Anutu. Lêc he i sea môp kunac maên yuu ni nyagên di pilepac nilô i vô paha lec lê, lêc kitaa.

Môp wê vêx ob vông ge

⁹ A ob nêl vô he vêx bêga bê he i vinyum ngakwi i tiyi wê he xomxo levac ob yê nivîha ge, di he i o vinyum ngakwi wê ob vông vux yetac ên he ge lêm, di he i o lêc vông nilô i loc vô môp wê he ob vunac vô bazub lihi di vunac vô ninîvi ya komkom gol di vinyum nivîmihi wê mone levac ge lêm.

¹⁰ Nge, he i vông nilô i loc vô môp nivîha wê ob ngîdu xomxo xôn ge, ên vêx wê nêl ên nêbê he Anutu nue ge wê he ob vông môp bêge.

¹¹ He i vô nipwo lec mi dô kiyang maên di ngô xolac mi xovô.

¹² Kiyang wê vêx ob nêl xolac ge a ob le vac xôn. Di he ob tu vux bazub lêm. Nge, he i dô kiyang maên di vô nînya vô kiyang.

¹³ Ên Anutu tung Adam tax, lêc tung Iv timuên.

¹⁴ Di Adam o ngô kiyang kityooên wê Seten nêl ge lêm. Nge, Iv môci wê vông i vin Seten kiyang di pwoo Anutu kiyang vac.

¹⁵ Om vô buc wê vêx obêc kô nipwo ge od obêc tulec myavinê levac. Lêc vêx obêc vông i vin xêkizêc di xo vigwe pisiv ên xomxo di dô i tiyi xochê vêx ngibua di kol he ên nipaên ge od Anutu obêc ngidu he xôn di vô he vêl ên he nêl nipaên.

3

Kiyang lec gyovixa

¹ Kiyang ti wê nôl ge yêp bêga ên nêbê vux ti obêc xo vinux ên nêb ob kô yuac gyovixa ge od yuac wê nêb ob kô ge yuac nivîha.

² Mêgem xam yaxên i, di vinoo xomxo wê mi viac môp wê i vông ge nivîha om xomxo ti o tiyi wê ob tulec soên ti vô i lêm ge, di wê vinê tibed, di i viac i nivîha ên môp nipaên, di timu vô piyôp nivîha, di vông môp wê lie ob yê nêb nivîha ge, di kô tibii mi la vac ben di viac he nivîha, di tixuu xomxo i nivîha ya xolac,

³ di o num mi vô mavmav lêm, di xêyaa o vô myavinê decdec di hi xomxo lêm. Nge, lum mi nêl kiyang vô xomxo, di o kunac xomxo vaxvax lêm, di o xo mone luu vêl lêm,

⁴ di viac vinê nue nivîha, di titô nue ên nêb he i ngô kiyang wê i vông ge di timu vô.

⁵ Ên xomxo ti o tiyi wê obêc viac vinê nue di titô he lêm ge od ob tu Anutu nue nêl levac di viac he tibêna?

⁶ Xomxo wê gên vông i vin paha ge ti o tiyi wê ob kô yuac gyovixa ge lêm, ên obêc yong i ge od Anutu ob tii i vêl tiyi xocbê tii Seten vêl ilage.

⁷ Om xam vînoo xomxo wê tibii madiluhu yê nivîha ge. Ên tibii madiluhu obêc yê i nipaên léc i tu gyovixa ge od he ob nêl nipaên lec i di vông i ni yoc di Seten ob hôm i xôn vac leac wê i vông ge.

Kiyang lec xomxo wê vông yuac vac kongleges-
sen

⁸ Xomxo ya obêc nêb vông yuac vac kongleges-
sen ge od xam yaxên he léc vînoo he wê mi timu
vô môm nivîha bêga nêbê he vông nilô la vô he
yuac, di he o nêl kiyang yuu lêm, di he o num
mi vô mavmav lêm, di he o doma vô mone yuu
susu lêm,

⁹ di nipaên ti o yêp vac he nilô lêm. Nge, he mi
hôm Anutu kiyang nôn wê nêl môm vông vinên
kitong ge xôn pilihi.

¹⁰ Om xam yaxên môm wê he vông ge lê, léc
xam obêc wê he nivîha ge od he i vông yuac vac
konglegesen.

¹¹ Xomxo tigeê vinêe êno he i vông nilô i loc vô
he yuac, di he i o léc nêl kiyang wê nînya nînya
ge lêm, di he i viac he nivîha ên môm nipaên, di
he i vông môm vîhati i yêp nivîha.

¹² Xomxo ti wê ob vông yuac vac konglegesen
ge i ii vêx tîbed di i tîtô nue di viac vinê nue
nivîha di tîtô he.

¹³ Om he wê vông yuac vac konglegesen di
vông he yuac nivîha ge, he lê ob yêp nivîha, di
he ob nêl Yesu Kilisi xolac wê he vông i vin ge i
yêp seac di xonaên ob ma.

Anutu kiyang nôn kehe

¹⁴ Timoti, a nêb a ob loc xê ông decdec. Lêc a kivuu kipihac tiga di vông i loc vô ông,

¹⁵ ên a obêc miloc vô ông decdec lêm ge od ông kitong kipihac tiga di xovô môp nivihha wê xomxo vông vinên vihati ob timu vô ge. Ên il wê il vông i vin ge, Anutu mavihha nue il, om il vông Anutu kiyang nôn i le xêkizêc i tiyi xocbê teac wê le pilihi di hôm xumac xôn ge.

¹⁶ Anutu kiyang nôn ge kehe levac mabu, om xomxo ti o tiyi wê ob yax vun bê xolac nôn maên ge lêm. Kiyang tige kehe nêl bêga ên nêbê,

Kilisi lam tu xomxo kibun ga mi xomxo yê i,

di Myakilôhô Ngibua nêl kitong ên nêbê
Kilisi ge xomxo nivihha.

Angela yê i,

di xomxo la nêl i kitong vac vigwe
viyang viyang,

di xomxo kibun ga vông i vin i,

di Anutu kô i mi lax mi la lag puunê.

4

Kiyang lec xomxo wê nêl kiyang kityooên ge

¹ Myakilôhô Ngibua nêl kiyang seac vô il bêga ên nêbê vô buc timuên ge tibii ya ob sea vông vinên wê he vông ge, di ngô kiyang kityooên wê vimwo nipaên ob nêl ge di timu vô kiyang wê Seten nue ob nêl vô he ge.

² Tibii nipaên tige xomxo kityooên wê mi nêl kiyang kityooên, om he hôm kiyang nipaên xôn

mì i yêp vac he nilô, lêc he o yaxên nipaên wê he mì vông ge lêm.

³ Dì he tixuu xomxo ya kiyang kityooên nêbê he iimaên i ma, dì he vîbu he nêbê he i o ya yaên mangwe lêm. Lêc môp ge kityooên, ên Anutu vông yaên vihati yang vô il ên nêb il ob kitaa vô i dì pîmîl i ên yaên tigeê lê, lêc xa. Om il wê il vông i vin dì xovô Anutu kiyang nôñ ge il ob xa yaên vihati.

⁴ Ên susu wê Anutu tung ge vihati yang nivîha. Om il ob pîsôhô ti lêm. Nge, il ob xa susu vihati yang dì hî vixad ên Anutu lec susu tigeê,

⁵ ên Anutu kiyang hixôn kitaaên wê il vông ge vông susu vihati ge tu ngîbua.

Timoti ge Yesu Kîlisi nu yuac nivîha ti

⁶ Timoti, ông obêc nêl kiyang wê a kivuu ga vô lime vông vinên ge od ông ob tu Yesu Kîlisi nu yuac nivîha ti, dì kiyang wê nêl môp vông vinên kehe kitong ge hixôn kiyang nôñ wê ông ngô dì timu vô ge, kiyang tige ob vông xêkizêc vô ông.

⁷ Om le i lêc ngô pivulac vidaaên wê o nêl kiyang nôñ lec Anutu ge lêm. Nge, ông tixuu ông ya Anutu kiyang dì timu vô i tiyî lec buc vihati.

⁸ Ên il obêc tixuu il ya môp kibun ga wê nivîha ge od ob vô nivîha vô il nipwo titi. Lêc il obêc tixuu il ya Anutu kiyang mì timu vô ge od ob ngîdu il xôn i luu vêl, ên ob vô nivîha vô il gwêbaga wê il dô madvîha lec kibun ga ge, dì ob vô nivîha vô il vô buc timuên wê il ob dô madvîha gê kisii ganê hixôn.

⁹ Kiyang tige nôñ vixôhilôg tiyî wê xomxo ob ngô dì vông i vin ge.

¹⁰ Il dô bin Anutu wê mavîha ge, om il ob vông vevac ya xolac di vông yuac xêkizêc. Anutu tiyi wê ob vô xomxo vîhati vêl ên he nê nîpaên, léc il wê il vông i vin i ge wê Anutu ob vô il vêl.

¹¹ Timoti, ông nêl kiyang wê a nêl ga vô xomxo di tixuu he ya kiyang tiga ên he i timu vô.

¹² Ông ngivîhi ti, om xomxo ti obêc nêb hi ông lêm i tô ên wê ông ngivîhi ge od ông ngôên he i ma. Lêc ông vông môm nivîha vac xomxo vông vinên mahîgun ên he i yê di timu vô. Om ông nêl kiyang nivîha, di vông môm bôbac, di xêmyaa i vin lec xomxo, di ông vông i vin xêkizêc ta di nîlôm yuu xovôên i yêp paha.

¹³ Ông kitong xolac vac xomxo mahîgun ên he i ngô, di nêl xolac kehe kitong vô he, ditixuu he ya xolac di i loc tyip vô buc wê a ob mîlôc vô ông ge.

¹⁴ Ông nim i o lêc ma ên xêkizêc wê Anutu vông vô ông ên nêb ông vông i yuac ya ge lêm. Ên Anutu vông xêkizêc tige vô ông ilage lec buc wê gyovîxa vyax vigê lec ông di nêl kitong vô ông lec yuac wê Anutu nêb ob vông vô ông ge.

¹⁵ Om ông vông yuac tige i tiyi lec buc vîhati, di vông nîlôm i loc vô yuac tige ên xomxo vîhati he i yê di xovô bê ông le xêkizêc vac xolac.

¹⁶ Ông viac ông nimvîha di viac kiyang wê ông ob tixuu xomxo ya ge i nivîha hixôn, di vông yuac tige xêkizêc i tiyi buc vîhati. Ên ông obêc vông bêge ge od yuac wê ông vông ge obêc vô nivîha vô ông di ob vô nivîha vô he wê ngô ông kiyang ge hixôn.

5

Môp titôên

¹ Timoti, ông ngivihhi ti, om le i léc titô kipwoc ya kiyang higacên lêm. Nge, ông titô kipwoc ya kiyang wê ông ob lum nêl ge i tiyi xocbê ông nêl vô mam ge. Di ông titô he ngivihhi i tiyi xocbê ông titô lime vux ge,

² di titô he vêxta i tiyi xocbê ông titô tame ge, di titô he vêxwo hixôn nilôm paha i tiyi xocbê ông titô lime vêx ge.

Kiyang lec vêxôv

³ Xam viac vêxôv wê bue nue ma ge ên ti o dô wê ob viac he ge lêm.

⁴ Léc vêxôv bue nue obêc dô ge od he i viac bu vêx tyo di viac tae mae hixôn, i tiyi wê he ob hi myaviwen wê tae mae vông vô he ge. Ên he obêc viac tae mae bue nivihha ge od Anutu ob yê he nivihha.

⁵ Vêxôv wê bue nue ma di i dô gilon ge, vêxôv tige ob vông nilô la vô Anutu di kitaa vô i vidiên yuu bucên vihati ên nêb Anutu i ngidu i xôn.

⁶ Léc vêxôv ti obêc vông nilô la vô môp kibun ga di timu vô môp wê ici va xovô ge od ge tiyi xocbê vêxôv tige yib waa.

⁷ Om ông nêl kiyang tige vô he ên he i dô nivihha di nipaên ti i o léc yêp vô he lêm.

⁸ Ên xomxo ti obêc viac tae mae lie nivihha lêm ge od tiyi xocbê xomxo tige sea vông vinên wê i vông ge, mêd tu xomxo nipaên wê luu tibii madiluhu vêl ge.

⁹ Om vêxôv wê bue nue ma ge, ông kivuu he lê i yêp vac kipihac, ên konglegesen i kitong di

viac he wê lê yêp vac kipihac ge. Le i léc kivuu vêxôv vihati lê lêm. Nge, he wê ông ob kivuu he lê i yêp vac kipihac ên konglegesen i viac he ge, he gee wê tu vêxta tiyi xocbê klismas mîla 60 di he kô liya tibed léc liya yib,

¹⁰ di he lê vô levac ên môp nivîha wê he mi vông ge, di he viac nue nivîha om nue lig mi vô levac di timu vô môp nivîha, di he mi kô tibii mi la vac ben di la viac he nivîha, di he viac xomxo vông vinên nivîha yang, di ngidu xomxo wê tulec viyin ge xôn, di mi vông môp nivîha viyang viyang ge. Om vêxôv tibêgee wê ông ob kivuu he lê i yêp vac kipihac ên konglegesen i viac he ya susu.

¹¹⁻¹² Di vêxôv lê obêc yêp vac kipihac ge od he i hîlu kiyang taxlee bêga bê he ob kô vux ti i tii vac lêm. Nge, he ob dô vêxôv di vông yuac vac konglegesen. Om vêxôv wê gên dô vêxwo ge, le i léc kivuu he lê vac kipihac lêm, ên he ob xo ên nêbê he ob kô vux i tii vac. Om he lê obêc yêp vac kipihac di he kô vux tii vac ge od tiyi xocbê he pwoo kiyang wê he hîlu ge vac di vô nîmi vô Kîlisi. Om Anutu ob yê he nîpân.

¹³ Di he vêxôv wê gên dô vêxwo ge, he lê obêc yêp vac kipihac mi konglegesen viac he ya susu ge od he ob vô ni maên ên yuac, di he ob la vîlee vîlee vô lie di vôngên yuac ob ma. Di he ob vông môp nîpân wê luu vêl ge hixôn bêga bê he ob la ngô xomxo nên kiyang pyap di la tiyoo i la, di he ob nêl kiyang nîpân tiyi wê xomxo vông vinên nêlên ob ma ge.

¹⁴ Mêgem a ob nêl vô xam bêga bê he vêxôv wê gên dô vêxwo ge, konglegesen i o léc viac he

lêm. Nge, vêxôv tibêgee he i kô vux i tii vac di kô nue di viac he xumac, ên he obêc vông bêge ge od tibii wê yê il nipaên ge ob tulec môm tiyi wê he ob nêl kiyang nipaên lec il ge lêm.

¹⁵ Il xovô ên il nêbê vêxôv ya sea môm nivîha di la timu vô Seten vông môm.

¹⁶ Om vêx wê vông i vin ge, li vêxôv ti obêc dô ge od i viac i nivîha di vôngên viyin vô konglegesen i ma, ên konglegesen ob viac vêxôv wê nue bue ma di i dô gilon ge.

Kiyang lec xomxo levac

¹⁷ Xomxo levac wê viac xam di vông he yuac nivîha ge, xam wê he nivîha di pimil he di ngidu he xôn ya susu nivîha. Di he wê nêl Anutu kiyang vô xam di tixuu xam ya xolac ge, xam viac he nivîha i luu vêl,

¹⁸ i tiyi kiyang wê yêp vac Moses xolac bêga ên nêbê, “Bwoc levac ti obêc vông yuac vô ông di kê wit ninivi vêl ge od le i lêc ku i mya xôn lêm.” Kiyang nêl bêge di

kiyang ngwe yêp vac Moses xolac bêga ên nêbê, “Xomxo ti obêc vông yuac ge od ob kô mone lec yuac wê i vông ge.”

¹⁹ Xomxo tibed obêc nêl kiyang lec gyovixa ti ên nêb i vông môm soên ge od ông o lêc ngô kiyang wê ici va nêl ge lêm. Lêc xomxo yuu me yon obêc nêl kiyang tiyima lec gyovixa ên nêbê i vông môm soên ge od ông ngô di yaxên kiyang wê he vông ge.

²⁰ Xomxo levac ti obêc vông môm nipaên ge od xam nêl i nêl nipaên lec i manôn vac

konglegesen mahigun ên lie vihati i yê di xona nê.

²¹ A, Pol, a le vô Anutu yuu Yesu Kîlisi hixôn Anutu nue angela manôn di a nêl vô ông bêga bê ông ngô kiyang vihati wê a nêl ga di timu vô di yaxên xomxo ya kiyang tige. Lêc le i lêc yaxên he lutibed lêm. Nge, ông ngô he kiyang di yaxên kehe i yêp seac lê. Le i lêc nêl kiyang xêkizêc vô xomxo ya di lum nêl kiyang vô lime lêm. Nge, ông wê he vihati tiyima.

²² Le i lêc vinoo xomxo ti decdec di tung i vac yuac wê konglegesen vông ge lêm. Di le i lêc loc vac môp nipaên wê xomxo ya mi vông ge lêm. Nge, ông viac ông nimviha di dô hixôn nilôm paha.

²³ Le i lêc num mia ningigooên pileva lêm. Nge, ông num mia wain nipwo ti hixôn ên i ngidu ông xêmyaa xôn, ên yidac wê mi vông ông nginong ge i ma.

²⁴ Nipaên wê xomxo ya mi vông ge yêp seac vô il, om il xovô ên il nêbê he ob tulec myaviwen nipaên. Lêc nipaên wê xomxo ya vông ge yêp xôpacên, lêc obêc timuên ge od ob yêp seac êno.

²⁵ Di môp nivihia wê xomxo mi vông ge tiyi bêge êno, ên mangwe yêp seac di mangwe yêp xôpacên, lêc vihati obêc yêp seac timuên.

6

Kiyang lec xomxo wê vông yuac vidaaên

¹ Xam wê xam tu xomxo levac nue yuac di vông yuac vidaaên vô he ge, xam loc vac xomxo

levac wê viac xam ge kwa ngibi di pîmil he lê ên he i o nêl nipaên lec Anutu hixôn i xolac lêm.

² Xam wê xam vông yuac vîdaaên vô tibii wê vông i vin ge, xam ya mi nêl bêga ên xam nêbê, “Tibii wê viac a ge a lig vông vinên ti om xii tiyima, om a ob la vac i kiyang kwa ngibi lêm.” Kiyang bêge o nivîha lêm. Om xam nêl bêga bê, “Tibii tige a lig vông vinên wê a xêgyaa vin lec i ge, om a ob ngô kiyang wê i nêl ge di vông yuac wê i vông vô a ge xêkizêc, ên yuac tige i vô nôn nivîha vô i.”

Timoti, ông tixuu xomxo ya kiyang tibêge ên he i timu vô.

³ Kiyang nôn wê il Apumtau Yesu Kîlisi vông ge didii il vac môp nivîha wê Anutu vông ge. Om xomxo ti obêc sea Yesu kiyang nôn di tixuu xomxo ya kiyang baba ge,

⁴ od xomxo tige yong i di xovôên ti o yêp vô i lêm. Xomxo tibêgee mi xo môp nipaên wê he ob ngaênma di kunacma lec kiyang pileva wê nôn maên ge. Om kiyang tibêge vô nôn nipaên di vông he yê lie tiyiên ma ên susu me lê levac wê he kê ge, di vông he hima, di he nêl kiyang lecma, di he vô nilô voma,

⁵ di he kunacma vaxvax. Xomxo tibêgee sea kiyang nôn om he piyôp vô yacyac. He so ên he nêb he obêc timu vô Anutu vông môp ge od he ob tulec susu tibeac.

⁶ Vixôhilôg, xomxo ti obêc timu vô môp wê Anutu vông ge di obêc xo ên nêbê i nêl susu wê i kê ge tiyi pyap ge od ob vô nôn nivîha vô i.

⁷ Ên il xovô ên il nêbê buc wê il yubac lec ge od il o kê susu ti léc lam lêm. Nge, il lam pileva.

Om buc wê il obêc xib lec ge od il ob kô susu ti lêc lax hixôn lêm. Nge, il ob lax mi la pileva.

⁸ Mêgem il xed yaên yuu nêd ngakwi obêc tiyi il ge od il ob nêl bêga bê, “A nêg susu tiyi a om pyap.”

⁹ Ên xomxo xêyaa obêc vin lec susu yuu mone levac ge od môp nipaên tige obêc yaxên he di hôm he xôn tiyi xocbê pulac hôm lili xôn ge. Om he nilô obêc kidu he ên môp nipaên wê xovôên nivaha ti yêp vacên ma ge hixôn môp wê ob vông he vô nipaên ge, om he ob vô nipaên di ob la dô hixôn Anutu lêm.

¹⁰ Ên môp wê xomxo xêyaa vin lec mone ge tu môp nipaên vihati ge kehe. Xomxo ya gee, he vông nilô la vô mone, om môp tige didii he la vac nipaên di he sea vông vinên wê he vông ge, om he kilê viyin levac.

Pol nêl môp wê Timoti ob vông ge vô i

¹¹ Timoti, ông tu Anutu nu, om ông le teva ên môp nipaên wê a nêl kitong vô ông ge vihati yang. Ông vông nilôm i loc vô Anutu hixôn môp nivaha, di vông i vin Anutu xêkizêc ta, di xo vigwe pisiv ên xomxo, di le xêkizêc vac viyin, di lum nêl kiyang vô lime.

¹² Môp vông vinên wê il vông ge tiyi xocbê xomxo tup mi luuma. Om ông tup xêkizêc ên ngino di tulec nôn mavaha. Anutu nêl ên nêbê ông obêc dô mamvaha luta, om ilage ông la le vô xomxo tibeac manôn di nêl vông vinên wê ông vông ge kitong yêp seac vô he mi he ngô.

¹³ Anutu ge wê vông il vihati dô madvaha, di Yesu Kilisi ge wê la le vô Pontias Pailat manôn

đi nêl i kiyang kitong yêp seac vô i. Om a le vô Anutu yuu Kĩlisi manôn đi nêl yuac wê ông ob vông ge vô ông bêga bê

¹⁴ le i lêc vông kiyang wê yêp vac xolac ge ti i vô nipaên lêm, ên xomxo ti i o lêc nêl nipaên lec xolac lêm. Ông vông yuac tibêge i tiyi buc vihati đi i loc tyip vô buc wê il lig Apumtau Yesu Kĩlisi obêc vena lec ge.

¹⁵ Buc wê Yesu ob lop mi lôm ge yêp vô Anutu vaci wê tu môm xêyaa nivihha kehe, đi ici va tived tu il nêd levac wê viac il ge. Anutu ge king vihati nêl king, đi xomxo levac vihati nêl levac,

¹⁶ đi ici va tived wê ob yib lêm. Anutu dô vac xêseac pìleva đi xomxo ti o tiyi wê ob la kwabo vô xêseac tige lêm. Xomxo ti o yê Anutu nôn ilage lêm, đi gwêbaga xomxo ti o tiyi wê ob yê i ge lêm. Lê levac hixôn xêkizêc wê i vông ge i yêp luta lêc luta. Nôn.

Kiyang lec xomxo wê susu tibeac ge

¹⁷ Ông nêl vô he wê susu tibeac ge bêga bê he i o kô he lec vô xomxo ên susu tibeac wê he vông ge lêm, đi he i o vông nĩlô i loc vô susu wê ob vô nipaên lutived ge lêm. Nge, he i vông he nĩlô i loc vô Anutu, ên Anutu vông susu nivihha vihati vô il ên nêb i vông il xêdyaa i vô nivihha yang.

¹⁸ Om ông nêl vô he wê susu tibeac ge bêga bê he i vông yuac nivihha ên i ngĩdu xomxo xôn, đi he i vông yuac tige i vô levac, đi he i vông susu vô xomxo wê nêl susu maên ge ên i ngĩdu he xôn.

19 Ên he obêc vông bêge ge od tiyi xocbê he kituc susu nivîha wê ob vô nôn nivîha vô he timuên ge, di he obêc dô mavîha luta lêc luta.

Timoti i viac yuac wê Anutu vông ge

20 Timoti, ông viac Anutu yuac wê vông vô ông ge i nivîha, di vô nimim vô kiyang vaxvax wê o tiyi Anutu xolac lêm ge. Di le i lêc ngô kiyang kityooên wê xomxo nêl ge lêm. Ên he so ên he nêb kiyang kityooên tige xovôên kehe.

21 Xomxo ya vông nilô la vô kiyang kityooên tibêge, om he sea vông vinên wê he vông ge.

Xêyaa vin lecên wê Anutu vông ge i ngidu xam xôn.

Yesu Xolac
The New Testament in the Patep Language of Papua
New Guinea
Nupela Testamen long tokples Patep long Niugini
copyright © 1986 Wycliffe Bible Translators, Inc.

Language: Patep

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-14

PDF generated using Haiola and XeLaTeX on 18 Apr 2025 from source files dated 31 Aug 2023

3d2c844d-4bc8-590b-bbf2-3a5fcd1f7ad8